

ԿԱՐԾԻՔ

ՎՈԱՄ ՎԼԱԴԻՄԻՐԻ ԿԱՐԱՊԵՏՅԱՆԻ «ԱՇԽԱՏԱՆՔԻ ՏԱՐԱԾԱՇՐՋԱՆԱՅԻՆ ԲԱԺԱՆՄԱՆ ՀԻՄՆԱԽՆԴԻՐՆԵՐԸ ԵՎ ՏՄՀԱՄԱԳՈՐԾԱԿՑՈՒԹՅԱՆ ՇՐՋԱՆԱԿՆԵՐՈՒՄ» ԹԵՄԱՅՈՎ ԱՏԵՆԱԽՈՍՈՒԹՅԱՆ ՎԵՐԱԲԵՐՅԱԼ, ՆԵՐԿԱՅԱՑՎԱԾ Ը.00.06 - «ՄԻՋԱԶԳԱՅԻՆ ՏՆՏԵՍԱԳԻՏՈՒԹՅՈՒՆ» ՄԱՍՆԱԳԻ- ՏՈՒԹՅԱՄԲ ՏՆՏԵՍԱԳԻՏՈՒԹՅԱՆ ԹԵԿՆԱԾՈՒԻ ԳԻՏԱԿԱՆ ԱՍՏԻՃԱՆԻ ՀԱՅՑՄԱՆ ՀԱՄԱՐ

Հեղազոտության թեմայի արդիականությունը: Անցումային տնտեսություն ունեցող երկրներում տնտեսական համակարգերի ձևավորման և սոցալ-տնտեսական հարաբերությունների որակական վերափոխումների ժամանակ երկրները կանգնում են հասարակական արտադրության արդյունավետության բարձրացման հետ կապված դժվարությունների առջև: Տարածաշրջանի մասշտաբով տնտեսական գործունեության ինտեգրմանը զուգահեռ, աշխատանքի տարածաշրջանային բաժանման և մասնագիտացման գործընթացները ստանում են կարևոր նշանակություն: Սա պայմանավորված է առանձին երկրների՝ աշխատանքի տարածաշրջանային բաժանման գործընթացներում ուրույն դեր ստանձնելու հրամայականով:

Աշխատանքի միջազգային բաժանումը սերտ կապված է նաև արտադրության կոոպերացման հետ: Արտադրության կոոպերացումը կարելի է բնութագրել որպես աշխատանքի միջազգային բաժանման վրա հիմնված գործընթաց, որը հանգեցնում է երկրների միջև առավել բարձր մրցունակություն ունեցող ապրանքների փոխանակմանը: Սակայն, համաշխարհային տնտեսության գլոբալացման և տարածաշրջանացման արդի փուլում չարժե արտադրության կոոպերացումը դիտարկել միայն արտադրությունների բաշխման տեսանկյունից: Արտադրության մասնատումը և վերջնական արտադրանքի տարբեր մասերի արտադրության բաժանումը առանձին երկրների միջև, հանգեցնում են բարդ և «առանց սահմանների» արտադրական համակարգերի ձևավորմանը (գլոբալ արժեքային շղթաներ), որոնցում առանձին երկրները և ձեռնարկությունները միավորված են երկարաժամկետ տնտեսական աճի բարդ սցենարների մեջ:

Եվրասիական տարածաշրջանում ինտեգրացիոն գործընթացների զարգացումը սիներգիկ էֆեկտ ապահովելու նպատակ ունի, որը պետք է հիմնվի ինտեգրացիոն խմբավորման երկրների մրցակցային առավելությունների ավելի համակարգային օգտագործման և տարածաշրջանային արժեքային շղթաների ձևավորման վրա, ինչն էլ աշխատուժի և կապիտալի խաչաձև օգտագործման միջոցով թույլ կտա ապահովել երկարաժամկետ տնտեսական աճ:

Վերը նշվածով է պայմանավորված հետազոտության համար ընտրված թեմայի արդիականությունը և հրատապությունը:

Ատենախոսության կառուցվածքը հնարավորություն է ընձեռել բացահայտել հետազոտվող հիմնահարցի բնութագրական կողմերը, ապահովել դրանցով պայմանավորված խնդիրների լուծման հաջորդականությունը, պահպանել առաջարկված մոտեցումների գործնական նշանակության հիմնավորմանը և ամբողջական հետազոտության իրականացմանը հատուկ այլ սկզբունքները:

Աշխատանքի ներածությունում ներկայացված է ատենախոսության թեմայի արդիականությունն ու հրատապությունը, դրված է հետազոտության նպատակը և տրված են դրան հասնելու համար լուծման ենթակա խնդիրները: Այստեղ ամրագրված են այն հիմնական գիտական արդյունքները և դրանց գիտական նորոյթը, որոնցով աշխատանքը ձեռք է բերում գիտական արժեք, բնութագրված են տեսական և մեթոդական այն հիմքերը, որոնց վրա կառուցված են հեղինակի մշակումներն ու եզրահանգումները:

Արենախոսության առաջին՝ «Աշխատանքի փարածաշրջանային բաժանման փեսական հիմնադրույթները» գլխում անդրադարձ է կատարվել աշխատանքի տարածաշրջանային բաժանման տնտեսագիտական բովանդակությանը, այդ թվում՝ մասնագիտացմանը և ինդուստրացմանը, հետզոտվել է ինտեգրացիոն խմբավորումների շրջանակներում աշխատանքի տարածաշրջանային բաժանման հնարավորությունների իրացումը, ինչպես նաև դիտարկվել է աշխատանքի տարածաշրջանային բաժանման միջազգային փորձը:

Արենախոսության երկրորդ՝ «Աշխատանքի փարածաշրջանային բաժանման գործընթացները Եվրասիական տնտեսական միության շրջանակներում» գլխում

ներկայացվել է ԵԱՏՄ երկրներում աշխատանքի տարածաշրջանային բաժանման վրա տնտեսական ինտեգրման ազդեցության մեթոդաբանական գնահատականը, վերլուծվել է ԵԱՏՄ երկրների փոխադարձ առևտուրը, ինչպես նաև հետազոտվել է արտահանման դիվերսիֆիկացման ռազմավարությունը, որպես ԵԱՏՄ երկրների մրցունակության բարձրացման գործիք:

Արենախոսության երրորդ՝ «Աշխատանքի տարածաշրջանային բաժանման հեռանկարները ԵԱՏՄ երկրներում» գլխում դիտարկվել են արտադրության արդյունավետության բարձրացման գործոնները՝ ԵԱՏՄ երկրների աշխատանքի տարածաշրջանային բաժանման համատեքստում, տնտեսամաթեմատիկական մոդելի միջոցով գնահատվել է ՀՀ արտադրական մասնագիտացումը ԵԱՏՄ շրջանակներում, ինչպես նաև ուրվագծվել են արտադրական կոոպերացման հեռանկարները ԵԱՏՄ երկրներում:

Եզրակացությունում հիմնականում ամփոփվել են և հակիրճ ձևակերպվել հետազոտության արդյունքում ստացված հիմնական եզրահանգումներն ու առավել առարկայական առաջարկները:

Ատենախոսությունում իրականացված վերլուծությունները հիմնված են դիտարկվող բնագավառի դասականների, ինչպես նաև ժամանակակից հետազոտողների ուսումնասիրությունների վրա: Մեթոդաբանական և տեղեկատվական առումով աշխատանքում օգտագործված են պաշտոնական շրջանառության մեջ գտնվող նյութեր և տվյալներ: Այս հանգամանքը թույլ է տվել հեղինակին ապահովել աշխատանքում ստացված արդյունքների անհրաժեշտ հիմնավորվածություն և հավաստիություն:

Աշխատանքի գիտական նորույթը կայանում է նրանում, որ աշխատանքի միջազգային բաժանման գործընթացներում առանձին երկրների մասնագիտացման՝ տնտեսագիտական գրականության մեջ առկա ցուցանիշների ընդհանրացման հիման վրա մշակվել է աշխատանքի ճյուղային տարածաշրջանային բաժանման գործակիցը, կառուցվել է ԵԱՏՄ երկրների արտահանման դիվերսիֆիկացման/մասնագիտացման և բնակչության մեկ շնչին ընկնող ՀՆԱ կախվածության ցրվածքի գծապատկերը, ինչպես նաև իրականացվել է ԵԱՏՄ երկրների արդյունաբերության ծավալների ցնցումների

վերլուծությունը, որը թույլ է տվել բացահայտել Հայաստանի և Ռուսաստանի միջև արդյունաբերական արտադրանքի արտաքին առևտրի հիմնական օրինաչափությունը:

Մեթոդաբանական և մեթոդական տեսանկյունից հետազոտության արդյունքները ընձեռում են լայն հնարավորություն կողմնորոշվելու զարգացող երկրներում աշխատանքի տարածաշրջանային բաժանման առավել հրատապ հիմնախնդիրների լուծման հարցում:

Ատենախոսության գիտագործնական նշանակությունը պայմանավորված է նրանով, որ ուսումնասիրության արդյունքները կարող են օգտագործվել զարգացող երկրներում, այդ թվում՝ Հայաստանի Հանրապետությունում ինտեգրացիոն քաղաքականության համակարգումն ապահովող ծրագրերի իրատեսականությանը, ինտեգրացիոն քաղաքականության բարելավմանը և աշխատանքային հարաբերությունների ազդեցության գնահատմանը նվիրված ուսումնասիրությունների և գործնական մշակումների ժամանակ:

Ատենախոսության վերաբերյալ կան **դիպոդություններ և առաջարկություններ**, որոնք գրախոսվող աշխատանքի թեմայով ուսումնասիրությունների շարունակման դեպքում, մեր կարծիքով, պետք է արժանանան հեղինակի ուշադրությանը: Դրանցից հատկապես անհրաժեշտ է նշել հետևյալները:

1. Աշխատանքի առաջին նորույթը խիստ պայմանական է և խոցելի, քանի որ երկրների խմբերի դասակարգումն այս կամ այն չափանիշով կամ չափանիշներով, ըստ էության, ընդամենը հնարավորություն է տալիս կոնկրետ տնտեսական երևույթը դիտարկել այլ տեսակետից, սակայն երևույթի տնտեսական արդյունավետության գնահատման իմաստով այն որևէ շոշափելի արդյունք չի ապահովում:

Կարծում ենք, որ կարելի էր առաջին գիտական նորույթի փոխարեն ձևակերպել նորույթ արտադրական կոոպերացման մասով՝ հայաստանյան իրողությունները հաշվի առնելով:

2. Ատենախոսության 1.3. ենթազխում հեղինակը բավականին մանրամասն և համակարգված ներկայացնում է աշխատանքի տարածաշրջանային բաժան-

ԵԶՐԱԿԱՑՈՒԹՅՈՒՆ

Արված դիտողությունները էապես չեն ազդում հետազոտության արժանիքների վրա, այլ հետապնդում են Հայաստանի Հանրապետությունում տարածաշրջանային քաղաքականության նպատակայնության բարձրացման, զարգացող երկրներում տարածաշրջանային ինտեգրմանը վերաբերող արդիական խնդիրների լուծմանը և բնակչության բարեկեցությանն ուղղված քաղաքականությանը նվիրված հետազոտությանն ուսումնասիրությունների արդյունավետության բարձրացման նպատակ:

Վոսան Վլադիմիրի Կարապետյանի թեկնածուական ատենախոսությունն ունի ընդգծված գիտագործնական նշանակություն, իրենից ներկայացնում է ինքնուրույն և ամբողջական հետազոտություն, որտեղ դրված և լուծված են հանրապետության համար կարևոր ու արդիական խնդիրներ:

Հեղինակը հանդես է բերել մասնագիտական ու վերլուծական բավարար մակարդակ, ինչի մասին են վկայում ատենախոսությունը և դրանում ստացված արդյունքները: Աշխատանքում մշակված առաջարկությունները և կատարված եզրահանգումները կարող են օգտագործվել Հայաստանի Հանրապետության ինտեգրացիոն քաղաքականության կատարելագործման, մասնավորապես՝ համաշխարհային տնտեսության զարգացման շրջանակներում ինտեգրացիոն քաղաքականության հիմնախնդիրների լուծման ուղղությամբ որակապես նոր մոտեցումների ներդրման ընթացքում:

Հետազոտության հիմնական արդյունքները հրապարակված են:

Ատենախոսության սեղմագիրը համապատասխանում է ուսումնասիրության բովանդակությանը և արտացոլում է աշխատանքի կարևորագույն դրույթներն ու արդյունքները:

Ընդհանուր առմամբ, «Աշխատանքի տարածաշրջանային բաժանման հիմնախնդիրները ԵԱՏՄ համագործակցության շրջանակներում» թեմայով ատենախոսությունը համապատասխանում է Հայաստանի Հանրապետության «Գիտական աստիճանաշնորհման կանոնակարգի» 6-րդ և 7-րդ կետերին, ինչպես նաև՝ թեկնածուական ատենախոսություններին ներկայացվող այլ պահանջներին, իսկ նրա հեղինակն

արժանի է Ը.00.06 - «Միջազգային տնտեսագիտություն» մասնագիտությամբ տնտեսագիտության թեկնածուի գիտական աստիճանի շնորհմանը:


ՊԱՇՏՈՆԱԿԱՆ ԸՆԴԴԻՄԱԽՈՍ՝

ՀԱՅԱՍՏԱՆԻ ՊԵՏԱԿԱՆ ՏՆՏԵՍԱԳԻՏԱԿԱՆ

ՀԱՄԱԼՍԱՐԱՆԻ «ՄԻՋԱԶԳԱՅԻՆ ՏՆՏԵՍԱԿԱՆ

ՀԱՐԱԲԵՐՈՒԹՅՈՒՆՆԵՐ» ԱՄԲԻՈՆԻ ՊՐՈՖԵՍՈՐ,

ՏՆՏԵՍԱԳԻՏՈՒԹՅԱՆ ԴՈԿՏՈՐ, ՊՐՈՖԵՍՈՐ




Գ. ՀԱԽԱՎԵՐԴՅԱՆ

ՊԱՐՈՆ Գ. ՀԱԽԱՎԵՐԴՅԱՆԻ ՍՏՈՐԱԳՐՈՒԹՅՈՒՆԸ

ՀԱՍՏԱՏՈՒՄ ԵՄ՝

ՀԱՅԱՍՏԱՆԻ ՊԵՏԱԿԱՆ ՏՆՏԵՍԱԳԻՏԱԿԱՆ

ՀԱՄԱԼՍԱՐԱՆԻ ԳԻՏԱԿԱՆ ՔԱՐՏՈՒՂԱՐ՝



Գ. ՔԵՏՐՅԱՆ

31.10.2022.